


المختصر المفيد للإسلام الجديد

PATNUBAY PARA SA BAGONG MUSLIM



Isinulat Ni: Mohammed Alshehri



PATNUBAY PARA
SA BAGONG
MUSLIM

**Isinulat Ni:
Mohammed Alshehri**

بِسْمِ اللَّهِ الرَّحْمَنِ الرَّحِيمِ

Sa Ngalan ng Allah, Ang Mahabagin,
Ang Maawain



Ang Papauri at Pasasalamat ay ukol lamang sa Allah, sa Kanya lamang tayo humihingi ng tulong at humihingi ng kapatawaran, tayo ay nagpapakupkop sa Allah mula sa kasamaan ng ating mga sarili at sa kasamaan ng ating mga gawain. Sinuman ang ginabayan ng Allah ay walang makapagligaw sa kanya, at kung sinunaman ang naligaw ng landas ay wala nang makapagbibigay sa kanya ng gabay. Ako ay sumasaksi na walang ibang Diyos na marapat sambahin maliban sa Allah, ang Nag-iisa at Bukod-tangi, at ako ay sumasaksi na si Muhammad ay alipin at sugo ng Allah.


Pinarangalan ng Allah ang angkan ni Adam at sila ay itinangi o pinahalagahan nang higit kaysa sa mga ibang nilikha. Sinabi ng Allah: **“At katiyakan, Aming pinarangalan ang angkan ni Adam.” (Qur’an 17:70).** Binigyan pa ng karagdagang karangalan ang nasyon na ito sa pamamagitan ng pagtanggap nila sa mensahe ng pinakamainam na Propeta na si Muhammad, *sumakanya nawa ang pagpapala at kapayapaan*, ang Maluwalhating Qur’an, at kinalugdan para sa kanila ang pinakadakilang relihiyon, ang Islam. Sinabi ng Allah: **“Kayo ang pinakamabuting sambayanan na lumitaw para sa sangkatauhan, sapagka’t inyong ipinag-uutos ang kabutihan at ipinagbabawal ang kasamaan, at kayo ay naniniwala sa Allah. At kung ang mga Angkan ng Kasulatan [mga Hudyo at Kristiyano] ay naniwala lamang, ito ay higit na makakabuti para sa kanila. Ang iba sa kanila ay tapat na naniniwala, nguni’t karamihan sa kanila ay mga suwail.” (Qur’an 3: 110).**


Isa sa mga dakilang biyaya ng Allah sa tao ang pagkalooban siya ng gabay sa Islam, pagiging matatag dito, at pagsasabuhay at pagsasagawa ng mga alituntunin at mga batas nito. Ang munting librito na ito ay magtuturo sa bawat bagong muslim ng mga bagay o alituntunin na marapat niyang malaman sa unang yugto ng pagyakap sa Islam sa maikling pamamaraan na maipaliwanag sa kanya ang kagandahan ng dakilang relihiyong ito, hanggang sa ito ay kanyang maintindihan at maisabuhay, at pagkatapos ay tutungo siya sa pagsasaliksik ng kaalaman at pagpaparami nito mula sa kanyang pagsisikap upang lalong madagadagan ng lubos ang pagkakilala niya sa kanyang Panginoon, sa kanyang propeta na si Mohammad ﷺ at ang kanyang relihiyong Islam; upang sambahin niya ang Allah na may sapat na kaalaman, panatag ang puso at madagdagan ang kanyang pananampalataya at mapalapit sa Allah sa pamamagitan ng paggawa ng lbada o pagsamba at pagsunod sa Sunnah ng Propeta Mohammad.

Dalangin ko sa Allah na maging mabiyaya ang bawat salita sa aklat na ito, at gawin Nya nawa itong kapaki-pakinabang sa Islam at sa mga Muslim. Nawa’y gawin itong dalisay ni Allah na para lamang sa Kanya at igawad ang gantimpala nito sa lahat ng mga Muslim maging sila man ay buhay o pumanaw na.

Mohammed Alshehri

2 Dhu al-Qi’dah, 1441A.H





Mga nilalaman

Ang Tunay at Nag-iisang Diyos	09	Ang ghusl o pagligo	61
Si Propeta Muhamamad	15	Ang Tayammum (Paglilinis gamit ang lupa)	65
Ang Maluwalhating Qur'an	19	Ang Salah	69
Ang Mga Haligi Ng Islam	23	Ang Pagsusuot ng Hijab ng Babaeng Muslim	79
Ang Mga Haligi Ng Iman (Pananampalataya)	37	Ilan Sa Mga Katangian Ng Isang Muslim	83
Ang Wudhu o Ablusyon	47	Ang Relihiyong Islam Ang Aking Kaligayahan	89
Pagpahid sa medyas at "Khuff" (MASH)	55		

ذِكْرُ اللَّهِ

Ang Tunay
at Nag-iisang

Diyos



صَلَّى اللهُ عَلَيْهِ وَسَلَّمَ
نَبِيِّ مُحَمَّدٍ

Si Propeta Muhamamad



القرآن الكريم كلام ربّي


Ang Maluwalhating

Qur'an



اعرف على اركان الإسلام

Ang Mga Haligi Ng Islam





Ang Ikalawang Haligi

Ang pagsagawa ng Salah o pagdarasal.

- Sinabi ng Allah: “At inyong itaguyod ang pagdarasal.” (Qur’an 2:110)
- Ang pagtataguyod ng Salah ay isinasagawa ito sa paraang isinabatas ng Allah at itinuro sa atin ng Kanyang Sugo ﷺ .





Ang Ikalimang Haligi

Ang Hajj o paglalakbay sa Makkah.

Sinabi ng Allah: “At iniatang ng Allah para sa mga tao ang [tungkuling magsagawa ng] Hajj sa bahay-dalanginan [ang Ka’bah], sa sinumang may kakayahang maglakbay para rito.” (Qur’an 3: 97)

Ang Hajj ay obligado sa sinumang may kakayahan, isang beses sa kanyang buhay. Para gawin ito, kinakailangan niyang magtungo sa Makkah at sa mga banal na lugar sa natatanging panahon upang isagawa ang mga natatanging mga gawaing pagsamba bilang pagsamba sa Allah ﷻ. Tunay na nagsagawa ng Hajj ang Propeta ﷺ at ang iba pang mga propeta na nauna sa kanya, at ipinagutos ng Allah kay Ibrahim na manawagan sa sangkatauhan na magsagawa ng Hajj, tulad ng sinabi ng Allah sa Maluwalhating Qur’an: “At ipahayag mo, O Ibrahim, sa sangkatauhan na magsagawa ng Hajj [sa Makkah]; sila ay tutungo sa iyo na naglalakad at may nakasakay sa mga kamelyo; sila ay magmumula sa bawat malayong daanan.”

اعرفي على اركان اليمان

Ang Mga Haligi
Ng Iman
(Pananampalataya)






Ang Pangalawang Haligi

Ang Paniniwala sa mga Anghel.

Sinabi ng Allah: **"Ang lahat ng papuri ay sa Allah lamang, Tagapaglikha ng mga kalangitan at ng kalupaan, [Siya ang] lumikha sa mga anghel bilang mga sugo at mayroong mga pakpak, dalawa o tatlo o apat. Lumilikha Siya kung anuman ang Kanyang naisin. Katotohanan, ang Allah ay ganap na may kakayahan sa lahat ng bagay."** (Qur'an 35:1)

Naniniwala tayo na ang mga anghel ay di nakikitang nilalang. Nilikha sila ng Allah mula sa liwanag, at ginawa Niya silang sumusunod at nagpapakumbaba lamang sa Kanya.

Sila ay mga dakilang nilikha na walang nakakaalam sa kanilang tunay na lakas at bilang maliban sa Allah lamang. Ang bawat isa sa kanila ay may mga pangalan at katangian at mga tungkulin na itinalaga sa kanila ng Allah. Kabilang sa kanila ay si Jibril na itinalaga ng Allah sa pagpapahayag ng rebelasyon na Kanyang ibinaba sa Kanyang mga sugo.



Ang Pangatlong Haligi

Ang Paniniwala sa mga Aklat.

- Sinabi ng Allah: "Sabihin, [O mga mananampalataya], kami ay naniniwala sa Allah at sa anumang ipinahayag sa amin, sa anumang ipinahayag kina Abraham, Ismael, Isaak, Hakob at sa tribu [asbat], sa anumang [Kasulatang] ipinagkaloob kay Moises at kay Hesus, at sa anumang ipinagkaloob sa mga propeta mula sa kanilang Panginoon. Kami ay hindi nagbibigay ng pagtatangi [o kaibhan] sa pagitan ng sinuman sa kanila, at sa Kanya, kami ay tumatalima [bilang mga Muslim]." (Qur'an 2:136)
- Ang matibay na paniniwala na ang lahat ng mga kapahayagan ay salita ng Allah. Mula ito sa Allah na ibinaba sa Kanyang mga Sugo patungo sa sangkatauhan dala ang malinaw na katotohanan. Sa pagpadala ng Allah sa Kanyang Sugo na si Muhammad ﷺ para sa buong sangkatauhan binago ng Allah sa pamamagitan ng batas ni Muhammad ﷺ ang mga naunang mga batas at ginawa ang Qur'an na mangibabaw sa mga naunang mga kapayahagan at pamalit sa mga ito. Sinabi ng Allah: **"Walang pag-aalinlangan, Kami ang nagbaba ng Qur'an kay Propeta Muhammad (ﷺ) at walang pag-aalinlangan na Kami rin ang patuloy na mangangalaga nito mula sa pagdaragdag o pagbabawas, o sa anumang kasiraan."** (Qur'an Al-hijr:9)
- Ang maluwalhating Qur'an ang huling kapahayagan ng Allah para sa sangkatauhan, at ang Propeta si Muhammad ang huling sugo at ang Islam ang relihiyon na kinalugdan ng Allah para sa sangkatauhan hanngang sa dumating ang araw ng pagkagunaw, sinabi ng Allah: **"Katotohanan ang tanging relihiyon sa paningin ng Allah ay ang Islam lamang."** (Qur'an Al-Imran:19).





Ang Panglimang Haligi

Ang Paniniwala sa Araw ng Paghuhukom.

- Sinabi ng Allah: "Allah, walang diyos [na dapat sambahin] maliban sa Kanya. Katiyakan, kayo ay Kanyang titipuning sama-sama sa araw ng pagkabuhay na muli, na walang alinlangan ang hinggil [sa kaganapan] nito. At sino ba ang higit na makatotohanan sa pagsasalaysay kaysa sa Allah." (Qur'an An-Nisaa:87)
- Ito ay ang paniniwala sa lahat ng bagay na may kaugnay sa huling araw na ibinalita sa atin ng Allah sa Kanyang banal na aklat at sinabi sa atin ng Propeta Muhammad ﷺ tulad ng kamatayan ng isang tao, biyaya at kaparusahan sa libingan, ang pagbangon muli, ang pagtitipon ng buong sangkatauhan, ang timbangan, ang paglilitis, ang Paraiso, ang Impiyerno at iba pang mga pangyayari sa Araw ng Paghuhukom.

Ang Pang-anim na Haligi

Ang Paniniwala sa Qadar o Tadhana, Mabuti man o Masama.

Sinabi ng Allah: "Katotohanang ang lahat ng bagay na Aming nilikha ay may kaukulang tadhanang itinakda." (Qur'an Al-Qamar:49).

Ito ay ang paniniwala na ang lahat ng mga nangyayari sa mga nilikha dito sa mundo ay itinakda ng Allah ﷻ at itong mga pagtatakda ay nakasulat na bago pa man likhain ang tao. Ang bawat tao ay may sariling kagustuhan at pagnanais at siya ang totoong kumikilos o gumagawa nito. Ngunit ang lahat ng ito ay hindi lalabas sa kaalaman, sa kagustuhan at kapahintulutan ng Allah.

Ang paniniwala sa Qadar o tadhana ay nababatay sa apat na pantas, ito ay ang sumusunod:

Ang Una: Ang paniniwala sa pangmalawakang kaalaman ng Allah.

Pangalawa: Ang paniniwala sa pagsulat ng Allah sa "*lawhul mahfudh*" ng lahat ng mangyayari hanggang sa Araw ng Paghuhukom.

Ang pangatlo: Ang paniniwala sa kagustuhan ng Allah at Kanyang buong kapangyarihan o kakayahan, kaya't ang anumang Kanyang naisin ay mangyayari at ang anumang hindi Niya naisin ay hindi mangyayari.

Ang pang-apat: Ang paniniwala na ang Allah ang Tagaplikha ng lahat ng bagay at wala Siyang katuwang sa paglikha.



تَعَمَّرَ الْوُضُوءَ

Ang Wudhu o Ablusyon





قال تعالى: ﴿إِنَّ اللَّهَ يُحِبُّ الْمُتَوَّبِينَ وَيُحِبُّ الْمُتَطَهِّرِينَ﴾ (البقرة: ٢٢٢).


Sinabi ng Allah: “Ang Allâh, samakatuwid, ay nagmamahal sa Kanyang mga alipin, na palaging humihingi ng kanilang kapatawaran at pagsisisi, at nagmamahal sa Kanyang mga aliping malilinis.” (Qur’an 2:22)

Sinabi ng Propeta ﷺ: “Mag-wudhu ka tulad ng pag-wudhu ko na ito.”

Kabilang sa pagiging dakila ng antas ng salah ay isinabatas ng Allah ang taharah o paglilinis bago ito isagawa, ito ay ginawang kondisyon upang tanggaapin ang salah, at ito ang susi ng Salah. Ang pagpapahalaga sa kainaman ng salah ang nagtutulak sa puso upang mas lalong manabik sa pagtataguyod nito. Sinabi ng Propeta ﷺ: “Ang kalinisan ay bahagi ng pananampalataya; at ang Salah ay liwanag.”

Sinabi pa ng Propeta ﷺ: “Sinuman ang nagsagawa ng wudhu at ito ay kanyang pinabuti, tiyak na maaalis ang kanyang mga kasalanan mula sa kanyang katawan.”

Haharap ang isang alipin sa kanyang Panginoon na malinis ang kanyang panlabas na anyo dahil sa wudhu; gayundin ang kanyang kalooban sa pagsasagawa ng pagsamba na dalisay sa Allah, at alinsunod sa kapamaraan ng Propeta ﷺ.



Kailan magiging wajib o obligado sa kanya ang wudhu?

- 1 Pagsasagawa ng Salah ito man ay obligadong salah o sunnah.
- 2 Pagtatawaf (pag-ikot) sa Ka’bah.
- 3 Paghawak ng Mushaf (Qur’an).

Ako ay magwuwudo at maliligo gamit ang malinis na tubig

Ang malinis na tubig: Lahat ng tubig na nagmula sa langit o lumabas mula sa lupa, nanatili sa orihinal na pagkalkiha nito at hindi nabago ang isa sa tatlo nitong mga katangian, at ito ay ang mga: kulay, lasa at amoy; sa pamamagitan ng mga bagay na nakakaalis ng pagkalinis ng tubig.





hakbang

6




Ang paghugas ng dalawang kamay kasama ang siko, simula sa mga daliri hanggang sa siko at ang siko ay kabilang sa dapat hugasan.

hakbang

7



Ang pagpunas ng ulo pati ang dalawang tainga gamit ang dalawang kamay ng isang beses lamang, magsisimula sa unahan ng ulo hanggang sa batok at pagkatapos ibalik ang pagpunas sa unahan ng ulo. At ipasok ang dalawang hintuturo sa tainga at ang hinlalaki ay nakapunas sa ibabaw ng tainga.



hakbang

8



Ang paghugas ng dalawang paa mula sa mga daliri ng paa hanggang sa bukung-bukong.

Mawawalan ng bisa ang wudo kapag nagawa ang mga bagay na ito



Lahat ng bagay na lumalabas mula sa unahan at likurang maseselang parte ng tao, tulad ng ihi, dumi, utot at simelya.




Kawalan ng pag-iisap tulad ng pagkatulog nang mahimbing, pagkawala ng malay, pagkalasing, o wala sa tamang kaisipan.



Lahat ng dahilan sa pagka obligado ng gusul (pagligo) tulad ng junub, regla at dugo sanhi ng panganganak.

Kapag dumumi ang tao, kailangan sa kanya na alisin ang karumihan sa pamamagitan ng tubig na naipandadalisay, at ito ay pinakamainam, o sa pamamagitan ng hindi tubig na naipandadalisay, na nakapag-aalis ng karumihan gaya ng bato, papel, dahon, tela, at iba pa roon sa kundisyong iyon ay tatlong ulit, o higit pa, na pagpapahahid ng nasabing malinis na ipinahihintulot na bagay.



المسح على الخفين والجوربين

Pagpahid
sa medyas
at "Khuff" (MASH)





Maaari mong punasan ang iyong medyas o Khuff kapag isinasaalang-alang ang mga sumusunod na kundisyon:

- 1 Dapat mong isuot ang mga ito pagkatapos magsagawa ng isang paghuhugas kung saan hugasan mo ang iyong mga paa.
- 2 Ang medyas at Khuff ay dapat na maging malinis sa anumang karumihan.
- 3 Ang oras ng pagpahid sa medyas at ang Khuff ay mayroong limitisyon.
- 4 Ang medyas at Khuff ay dapat mula sa halal hindi ito ninakaw o kinuha ng sapilitan halimbawa.

Ang Khuff: bagay na sinusuot ng tao mula sa manipis na balat ng hayop o kahalintulad nito, tulad ng pagsuot ng sapatos na tumatakip sa dalawang paa.

Ang Jawrab: bagay na sinusuot ng tao sa kanyang paa mula sa tela o kapareho nito at ito at tinatawag na medyas.



Ang karunungan sa likod ng pagsasabatas nito:

Upang mapadali ang mga pagsamba para sa mga Muslim, gawing madali para sa mga hindi mahuhubad ang kanilang mga medyas at paghugas ng dalawang paa lalo na sa panahon ng taglamig, at sa oras ng paglalakbay.

Limitasyon o bisa ng pagpahid:



Isang araw at gabi (24 na oras) para sa mga residente.



Tatlong araw at gabi (72 oras) para sa mga manlalakbay

Ang tagal ay nagsisimula mula sa unang pagpunas sa khuff o medyas pagkatapos na mawala ang estado ng ritwal na karumihan.



Paraan ng pagpahid sa medyas at Kuff:

- 1 Basain ang iyong mga kamay ng tubig.
- 2 Ipahid ang iyong kamay sa ibabaw ng iyong mga paa na nagsisimula sa mga daliri sa paa at nagtatapos sa bukung-bukong.
- 3 Gamitin ang iyong kanang kamay nang isang beses para sa iyong kanang paa at ang kaliwang kamay isang beses para sa kaliwang paa.

Mga bagay na nakakawala ng bisa nito:

- 1 na magiging obligado ang paligo.
- 2 Kapag natapos na ang limit o tagal ng pagpunas.



الغسل

Ang ghusl o pagligo





Kapag nangyari ang pakikipagtalik sa lalaki at babae o di kaya’y lumabas ang semilya nila kahit hindi sa pagtatalik ay obligado na sila ay maligo upang pahintulutan sila mag-salah.



Ang paraan ng gag-ghusl ay ang mga sumusunod:

Babasain ng isang muslim ang kanyang buong katawan ng tubig kahit sa anong paraan, kalakip dito ang pagmumog at pagsinghot ng tubig. Kapag nabasa ang kanyang buong katawan ay ganap na siyang malinis.



Mga bagay na hindi maaring gawin ng isang Junub hanggang sa siya ay maligo:

- 1 Ang Salah
- 2 Pagtawaf sa Ka’bah
- 3 Pananatili sa Masjid, ngunit pinapahintulutan lamang ang pagdaan dito na walang halong pananatili.
- 4 Paghawak ng Mushaf (Qur’an)
- 5 Pagbasa ng Qur’an



التيمم

Ang Tayammum (Paglilinis gamit ang lupa)



Sa panahon na walang mahanap na tubig ang isang muslim upang gamitin sa pagwuwudhu o paglilinis, o hindi kaya'y wala siyang kakayahan upang gamitin ang tubig sanhi ng sakit o iba pang dahilan at siya ay nangangamba na mawala ang oras ng salah, pinapahintulutan sa kanya ang tayammum gamit ang lupa.

Ang pamamaraan ng pag-tayammum ay sa pamamagitan ng pagdampi sa lupa ng mga kamay nang isang beses at punasan ang mukha at mga kamay, sa kondisyon na ang alikabok o lupa ay malinis.

Mga bagay na mawawalan ng bisa ang Tayammum:



- 1 Mawawalan ng bisa ang tayammum sa mga bagay na makakasira sa wudhu.
- 2 Kapag nakahanap ng tubig bago simulan ang pagsamba kung saan ginawa ang tayammum.



تعلم الصلاة

Ang Salah





Inobliga ng Allah ang limang beses na pagdarasal sa bawat araw at ito ay ang mga sumusunod: Ang Fajr, Dhuhur, Asar, Maghrib at Isha.

Inihahanda ko ang aking sarili para sa Salah:

Kapag pumasok ang oras ng salah marapat na maging malinis ang isang muslim mula sa estado ng maliit at malaking karumihan.

Hadath Akbar (estado ng malaking karumihan): nangangailangan ng Ghusl (buong paghuhugas o pagligo).

Hadath Asghar (estado ng maliit na karumihan): nangangailangan ng Wudhu.

- Ang isang Muslim ay nagdarasal sa dalisay na lugar na may dalisay na damit na natatakpan ang kanyang Awra (maseselang bahagi ng katawan). Ang isang Muslim ay nagsusuot nang mabuti at maayos

na damit na tumatakip sa kanyang katawan sa salah, at hindi maari na ipakita sa salah ang bahagi ng kanyang awra at ito ay sa pagitan ng pusod at tuhod para sa mga kalalakihan.

- Dapat takpan ng isang babae ang kanyang buong katawan maliban sa mukha at mga kamay.
- Hindi marapat sa isang muslim na magsalita habang nagsasalah maliban sa mga salita na bibigkasin para sa salah, makinig sa Imam at hindi maaaring lumingon habang nagsasalah. Kung hindi pa kabisado an mga salita na bibigkasin sa salah, marapat na kanyang gawin na lamang ay magdhikr o alalahanin at luwalhatiin ang Allah hanngang sa matapos ang salah. Nararapat lamang na magmadali na pag-aralan ang paraan ng salah at mga salita na dapat bigkasin dito.





hakbang

1

Pagkakaroon ng niyah o intensyon sa pagsasagawa ng uri ng obligadong salah na nais niyang itaguyod at ang lugar ng intension ay ang puso.

Pagkatapos kong mag-wudhu ako ay ha harap sa Qibla (direksyon ng Salah) at magsasalah nang nakatayo kung ito ay kaya mong gawin.

hakbang

2

itataas ko ang aking kamay na nakahanay sa aking mga balikat at sasabihin ang katagang: *Allahu Akbar* (ang Allah ang Pinakadakila) na may kasamang hangarin na simulan ang salah.



hakbang

3

Aking sasabihin ang pambungad na Duaa (pagsusumamo) na naiulat sa Sunnah, at kabilang dito ang pagsabi: (*Subhanakallahumma wa bihamdika wa tabarakasmuka wa taala jadduka wala ilaha ghayruk.*) "Ang kaluwalhatian ay sa Iyo O Allah, at papuri. Pinagpala ang iyong Pangalan at Itinaas ang iyong Kamahalan. Walang karapat-dapat sambahin kundi Ikaw lamang."



hakbang

4

Humihingi ako ng kanlungan kay Allah mula sa isinumpa na Shaytan (Satanas) sa pagsasabing: "*auzu billahi minash shaitan rajeem*".

hakbang

5

Babasahin ko ang Surah Al Fatiha sa bawat raka'a: (1) *Bismillaahir Rahmaanir Raheem* (2) *Alhamdu lillaahi Rabbil 'aalameen* (3) *Ar-Rahmaanir-Raheem* (4) *Maaliki Yawmid-Deen* (5) *Iyyaaka na'budu wa Iyyaaka nasta'een* (6) *Ihdinas-Siraatal-Mustaqeem* (7) *Siraatal-lazeena an'amta 'alaihim ghayril-maghdooobi 'alaihim wa lad-daaalleen*. "Sa Ngalan ng Allah, ang Mahabagin, ang Maawain. Al-Hamdulillah [ang lahat ng papuri ay sa Allah], ang Panginoon ng lahat ng mga nilikha. Ang Mahabagin, ang Maawain. Ang Maalik [Makapangyarihan at Kataas-taasang Hari] sa Araw ng Pagbabayad [ng gantimpala at parusa]. Tanging] Ikaw lamang po ang aming sinasamba, at [tanging] Ikaw lamang po ang aming hinihingan [ng tulong]. Patnubayan Mo po kami sa matuwid na landas. Sa landas ng yaong mga ginawaran Mo ng Iyong pagpapala, hindi [sa landas] ng mga umani ng [Iyong] poot, at ng mga nangaligaw."

Magbabasa ako ng isang surah o kabanata mula sa Qur'an pagkatapos ng Al-Fatiha sa una at ikalawang yunit lamang ng pagdarasal (rakaa). Ang nasabing pagbigkas ay hindi obligado ngunit nagdudulot ng malaking gantimpala.

hakbang

6

Sasabihin ko: "*Allahuakbar* " at ako ay yuyuko hanggang sa maging tuwid ang likod at nakalatag ang aking kamay sa aking tuhod na nakabukas ang mga daliri, at aking sasabihin: "*subhana rabbiyal azeem*" (Ang kaluwalhatian ay sa aking Panginoon, ang Pinakadakila).





hakbang

7

Ako ay tatayo mula sa pagkayuko at sasabihin: *"Sami 'Allahu liman hamidah"* (dininig ng Allah ang sinumang pumuri sa kanya). Itataas ko ang aking mga kamay sa antas ng balikat, at kung ang aking katawan ay ganap nang nakatayo, sasabihin ko: *"Rabbana walakal hamdu"* (Panginoon namin, tanging sa Iyo lamang ang papuri).



hakbang

8

Sasabihin ko ang *"Allahuakbar"* at ako ay magpapatirapa gamit ang mga kamay, tuhod, paa, noo at ilyong, at sasabihin ko sa aking pagpatirapa: *"Subhana rabbiyal A'lah "* (Luwalhati sa aking Panginoon, ang Kataas-taasan).



hakbang

9

Sasabihin ko: *"Allahukbar"* at ako ay babangon mula sa pagkatirapa hanggang sa maging ganap na matuwid ang aking likod sa pagkakaupo sa kaliwang paa at nakataas ang kanang paa, at bibigkasin ang katagang: *"rabbi ighfir li"* (Panginoon, patawarin mo ako).



hakbang

10

Sasabihin ko: *"Allahukbar"* at muli akong mag-sujud o magpatirapa tulad ng unang sujud.



hakbang

11

Ako ay tatayo mula sa sujud at sasabihin: *"Allahukbar"* upang makatayo ako nang tuwid, at gawin ang natitirang mga rakaat ng panalangin tulad ng ginawa ko sa unang rak'ah.





Panglabing-isang hakbang: Ako ay tatayo mula sa sujud at sasabihin: **“Allahukbar”** upang makatayo ako nang tuwid, at gawin ang natitirang mga rakaat ng panalangin tulad ng ginawa ko sa unang rak’ah.

Matapos ang pangalawang rakaat ng Dhuhr, Asr, Maghrib at Isha, ako ay uupo upang sabihin ang unang Tashahud: *(At-Tahiy-yatu lil-lahi was-salawatu wat-tay yibatu, As-Salamy ‘alika ay-yuhan-nabiy-yu wa rahma tullahi wa barakatu, As salamu’ alayna wa ‘ala’ ibadil-la his- saliheen, Ash hadu al la ilaha illal lahu, wa ash hadu an-na Muhammadan ‘abduhu wa rasuluh).*



“Ang lahat ng kapangyarihan at kadakilaan ay para sa Allah, lahat ng mga panalangin, at lahat ng mabuting pagsasalita at pagkilos ay para sa Kanya. Ang kapayapaan ay sumaiyo O Propeta, at gayundin ang awa ng Allah at ang Kanyang mga pagpapala. Ang kapayapaan ay mapapa-saatin, at sa mga mabubuting lingkod ng Allah. Pinapatotohanan ko na walang sinumang may karapatang sambahin maliban sa Allah, at pinatotohanan ko na si Muhammad ay Kanyang lingkod at sugo.” Pagkatapos ay lilipat ako sa pangatlong rakaat, sa huling rakaat ng bawat pagdarasal at ako ay uupo upang sabihin

ang unang Tashahud bilang karagdagan sa sumusunod na pagbigkas: *(Allaahumma salli ‘ala Muhammad wa ‘ala aali Muhammad kama sallaita ‘ala Ibraaheem wa ‘ala aali Ibraaheem innaka Hameedun Majeed, wabaarik ‘ala Muhammad wa ‘ala aali Muhamaad kama baarakta ‘ala Ibraaheem wa ‘ala aali Ibraaheem innaka Hameedun Majeed).*

“O Allah! Puriin nawa si Muhammad, at ang pamilya ni Muhammad, tulad ng pagpuri Mo kay Ibraaheem, at ang pamilya ni Ibraaheem; Ikaw lamang ang karapat-dapat na puriin, at luwalhatiin. At Ikaw ang nagkaloob ng mga pagpapala kay Muhammad, at sa pamilya ni Muhammad, tulad ng pagpapadala mo ng mga pagpapala kay Ibraaheem, at sa pamilya ni Ibraaheem; Ikaw lamang ang karapat-dapat puruiin luwalhatiin.”



hakbang

12

Nais kong tapusin ang salah sa pamamagitan ng pagsasabi ng: *“As-salamu ‘alaikum wa rahmatullah,”* ang kapayapaan at mga pagpapala ng Allah ay sumaiyo, isang beses habang nakaharap sa kanang direksyon at isang beses habang nakaharap sa kaliwang direksyon; sa ganoong paraan magtatapos ang salah.





حجاب المرأة المسلمة

Ang Pagsusuot
ng Hijab
ng Babaeng Muslim



قال تعالى: ﴿يَا أَيُّهَا النَّبِيُّ قُلْ لِّأَزْوَاجِكَ وَبَنَاتِكَ وَنِسَاءِ الْمُؤْمِنِينَ يُدْنِينَ عَلَيْهِنَّ مِنْ جَلْبَابِهِنَّ ذَلِكَ آدَبٌ أَنْ يَعْرِفْنَ فَلَا يُؤْذِينَ وَكَانَ اللَّهُ غَفُورًا رَحِيمًا (الأحزاب : ٥٩).

Sinabi ng Allah: “O Propeta, sabihin mo sa iyong mga asawa at sa iyong mga anak na babae at sa mga babae [13] na mga naniniwala, na kanilang ibaba ang kanilang takip sa kanilang mga sarili [ang bahagi] ng kanilang panlabas na kasuotan. Iyan ay higit na mabuti upang sila ay makilala [bilang marangal na babae] at sila ay hindi alipustahin. At ang Allah ay lagi nang mapagpatawad, maawain.” (Qur’an 33:59)

Ang Allah (SWT) ay nag-utos sa mga kababaihang Muslim na magsuot ng Hijab at takpan ang kanilang awra mula sa mga kalalakihan na hindi direktang nauugnay sa kanila, sa pamamagitan ng pagsuot ng mga tradisyonal na kasuotan na ginagamit sa kanilang bansa, at hindi nila maaari alisin ang Hijab maliban na lamang kung sa harap ng kanilang mga asawa o mga Mahram (at sila ang mga tao na hindi maaring kailanman na pakasalan ng isang muslim na babae). Kasama sa mahram ang mga sumusunod: Ang ama hanggang sa pataas na antas nito (lolo pataas), anak na lalaki hanggang sa pababa na antas nito (apo pababa), tiyuhin, kapatid na lalaki, anak na lalaki ng kapatid na lalaki, anak na lalaki ng kapatid na babae, ama-amahan, biyenan hanggang sa lahat ng mga antas nito, anak na lalaki ng ama-amahan pababa sa lahat ng mga antas nito, kapatid na lalaki sa gatas ng ina na nagpasuso at asawa ng ina na nagpasuso. Ipinagbawal ang pagpapakasal mula sa iisang gatas ng ina sa pagpapasuso katulad ng pagbabawala mula sa iisang lipi o lahi.

Mga Panuntunan sa Pagsusuot ng Hijab:

Una: Sinasaklaw ng Hijab ang buong katawan.

Pangalawa: Ang Hijab ay hindi dapat isuot bilang isang palamuti lamang.


Pangatlo: Ang Hijab ay hindi dapat manipis dahil maaaring lumitaw ang kanyang katawan.

Pang-apat: Ang Hijab ay dapat na maluwag at hindi masikip; sapagka’t maaari itong ilarawan ang kanyang katawan.

Panglima: Ang hijab ay hindi dapat lagyan ng pabango.

Pang-anim: Ang Hijab ay hindi dapat katulad sa kasuotan ng kalalakihan.

Pang-pito: Ang Hijab ay hindi dapat maging katulad ng mga damit na isinusuot ng mga babaeng hindi Muslim sa kanilang pagsamba at pagdiriwang.



مِنْ صِفَاتِ الْمُؤْمِنِينَ

Ilan Sa Mga
Katangian Ng Isang
Muslim





قال تعالى: ﴿إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ وَجِلَّتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا وَعَلَىٰ رَبِّهِمْ يَتَوَكَّلُونَ﴾ (الأَنْفَالُ : ٢٠)

Sinabi ng Allah: “Katiyakan, ang tunay lamang na mananampalataya sa Allâh ay ang mga yaong kapag binanggit ang patungkol sa Allâh ay nakadarama ng takot sa kanilang mga puso, at kapag binigkas sa kanila ang mga talata ng Dakilang Qurân ay nadaragdagan ang kanilang paniniwala, at sa Allâh lamang nila ipinaubaya ang kanilang mga sarili, na kung kaya, hindi sila naghahangad ng anuman at wala silang kinakatakutan na iba.” (Qur’an 8:2)

- Matapat at hindi nagsisinungaling.
- Tinutupad ang kanyang mga pangako.
- Hindi lalampas sa mga limitasyon sa pag-aaway.
- Pinapangalagaan at ibinabalik ang mga bagay na ipinagkatiwala sa kanya.
- Minamahal niya ang kanyang kapatid na Muslim kung anuman ang gusto niya para sa kanyang sarili.
- Mapagbigay.
- Maganda ang pakikitungo sa mga tao.
- Bumibisita sa kanyang mga kamag-anak.
- Siya ay nalulugod sa kapalaran at tadhan ng Allah at nagpapasalamat sa Kanya sa kaganapan ng kasaganaan at nagtitimpi sa kaganapan ng pagkabalisa o kagipitan.
- Mayumi at mahiyain.
- Mahabagin sa mga nilikha.





- Ang kanyang puso ay malinis mula sa mga inngit at pagkamuhi, at ang kanyang katawan ay malinis mula sa panananakit sa kapwa.
- Mapagpatawad sa mga tao.
- Hindi kumakain mula sa Riba at hindi nakikipag-uganayan dito.
- Hindi nanganaglunya.
- Hindi umiinom ng alak.
- Mabuti ang pakikitungo sa kanyang kapitbahay.
- Hindi nanloloko at nang-aapi ng kapwa.
- Iniiwasan ang mga pagnanakaw at pandaraya.
- Mabuti ang pakikitungo sa kanyang mga magulang, kahit na hindi sila Muslim at sumusunod sa kanilang mabubuting utos.
- Dinidiplina ang kanyang mga anak sa kabutihan at nag-uutos sa kanila sa paggawa ng mga pagsamba, at nagbabawal sa paggawa ng kasamaan at ipinagbabawal.
- Hindi gumagaya sa mga gawaing hindi Muslim na mayroong marka at palatandaan ng kanilang relihiyon at tradisyonal na mga kilos.



سَعَادَتِي فِي رِزْقِي الْإِسْلَامِ

Ang Relihiyong Islam Ang Aking Kaligayahan





قال تعالى: ﴿مَنْ عَمِلَ صَالِحًا مِّن ذَكَرٍ أَوْ أَنَّىٰ وَهُوَ مُؤْمِنٌ فَلَنُحْيِيَنَّهٗ حَيٰوةً طَيِّبَةً وَلَنَجْزِيَنَّهُمْ أَجْرَهُم بِأَحْسَنِ مَا كَانُوا يَعْمَلُونَ ﴿٩٧﴾﴾ (التحلل : ٩٧).

Sinabi ng Allah: "At sinuman ang gumagawa ng gawaing matuwid, lalaki man o babae, at siya ay naniniwala, sila yaong mga papapasukin sa Paraiso."

(Qur'an 4:124)

Isa sa pinakadakilang bagay na dahilan upang makamit ang kasiyahan, kagalakan at kaligayahan sa puso ng isang Muslim ay ang kanyang direktang koneksyon sa kanyang Panginoon nang walang tagapamagitan mula sa mga buhay, patay, o idolo. Tunay na binanggit ng Allah sa Kanyang Maluwalhatang Aklat na Siya ay laging malapit sa Kanyang mga alipin, pinapakinggan sila at sinasagot ang kanilang mga panalangin, katulad ng sinabi ng Allah: **"At kapag ang Aking mga alipin ay magtatanong sa iyo [O Muhammad] tungkol sa Akin, tunay na Ako ay malapit [sa kanila]. Tinutugon Ko ang mga panalangin ng bawat dumadalangin kapag siya ay nananalangin sa Akin [nang walang ibang tagapamagitan]. Kaya, hayaan silang tumugon sa Akin [sa pamamagitan ng pagsunod] at maniwala sa Akin, upang sakali sila ay [mapatnubayan] tumahak sa matuwid na landas."** (Qur'an 2:186)

Inutusan tayo ni Allah manalangin sa Kanya, at ginawa Niya ang bagay na ito na isa sa pinakadakilang gawain ng pagsamba kung saan ang isang Muslim ay lumalapit

sa kanyang Panginoon, sinabi ng Allah: **"At ang inyong Panginoon ay nagsabi: "Manalangin kayo sa akin at kayo ay Aking diringgin."** (Qur'an 40:60)

Ang matuwid na Muslim ay palaging nangangailangan sa kanyang Panginoon, palaging humihingi ng panalangin, at lumalapit sa kanya sa paggawa ng mabubuting pagsamba.

Nilikha tayo ng Allah sa mundong ito na may dakilang karunungan, at hindi Niya tayo nilikha nang walang kabuluhan; at ito ay ang sambahin lamang Siya nang nag-iisa at bukod tangi at walang halong pagtatambal. Isinabatas Niya ang isang komprehensibong banal na relihiyon na namamahala sa lahat ng ating pribado at pampublikong gawain sa buhay, at sa makatarungang batas na ito ay napapanatili ang mga pangangailangan ng buhay. Ito ay ang ating relihiyon, ating sarili, ating karangalan, ating isipan, at ating kayamanan. Sinuman ang namuhay alinsunod sa batas ng Sharia at iniwasan ang mga ipinagbabawal na bagay, tiyak na kanyang napangalagaan



ang mga panganagilanagan na ito; sya ay mamumuhay nang masaya at payapa sa kanyang buhay nang walang duda.

Ang ugnayan ng Muslim sa kanyang Panginoon ay napakalalim, dahilan upang magkaroon ng kapanatagan at kaginhawaan ng sarili, pakiramdam na pagiging mahinahon, katiwasayan at kasiyahan, at pakiramdam na kasama ang Panginoon sa Kanyang pangangalaga sa Kanyang tapat na mga alipin na mananampalataya. Sinabi ng Allah: **“Ang Allah ay Wali [tagapangalaga] ng yaong mga naniniwala. Sila ay Kanyang hinahango mula sa mga kadiliman tungo sa liwanag.”** (Qur’an 2:257)

Ang mahusay na ugnayan na ito ay isang pang-sentimental na estado na humahantong sa pagtamasa ng pagsamba sa Pinakamaawain, ang pananabik na makita Siya sa kabilang buhay, at para bagang nakataas ang kanyang puso sa kalangitan dahil sa kaligayahan sa pamamagitan ng pakiramdam ng tamis ng pananampalataya.

Ang tamis na iyon, na mailalarawan lamang ng taong nakatikim nito sa pamamagitan ng pagsunod at pag-iwas sa kasamaan, kaya’t sinabi ng Propeta Mohammad ﷺ: **“Tunay na matitikman ang tamis ng pananampalataya ng sinumang nalugod sa Allah bilang kanyang Panginoon, ang Islam bilang kanyang relihiyon, at si Muhammad bilang kanyang sugo.”**

Oo, kung ang isang tao ay laging nararamdaman ang pag-iral ng kanyang Panginoon, nakilala Siya sa pamamagitan ng Kanyang mabubuting pangalan at katangian, sinamba Siya na para bang nakikita Siya at naging dalisay sa kanyang pagsamba sa Allah, at walang ibang hinangad kundi ang lugod ng Allah, tiyak na siya ay mamumuhay nang mabuti at masayang buhay sa mundong ito at mayroong mabuting kalalabasan sa hinaharap.

Kahit na ang mga pagsubok at sakuna na sinapit ng isang mananampalataya sa mundong ito, ang init nito ay maaalis ng lamig ng katiyakan, nalulugod sya sa





kapalaran at tadhana ng Allah, at pinuri at pinasalamatan ang Allah sa lahat ng mga tadhana sa kanya, mabuti man o masama. Kabilang sa mga bagay na dapat maging masigasig ang isang Muslim upang madagdagan ang kanyang kaligayahan at kapanatagan ng sarili, ay ang madalas na pag-alaala sa Allah at pagbabasa sa banal na Qur'an, katulad ng sinabi ng Allah: **"Yaong mga naniwala at panatag ang kanilang mga puso sa pamamagitan ng pag-alaala sa Allah, walang alinlangan, matatagpuan sa pag-alaala sa Allah ang kapanatagan ng mga puso.** (Qur'an 13:28)

Kaya't sa tuwing pinaparami ng isang muslim ang pag-alaala sa Allah at pagbabasa ng banal na Qur'an ay lalong tumitibay ang koneskyon niya sa Allah, at nagiging dalisay ang kanyang sarili at lumalakas ang kanyang pananampalataya.

Gayundin, dapat magsikap ang isang Muslim na alamin ang mga bagay ng kanyang relihiyon mula sa tamang mga mapagkukunan, upang sumamba sa Allah

na may sapat na kaalaman at kaunawaan, tunay na sinabi ng Propeta ﷺ: **"Ang pagsasaliksik ng kaalaman ay obligado sa bawat muslim."** Marapat lamang sa isang Muslim na tumalima at sumunod sa kautusan ng Allah na lumikha sa kanya, napag-alaman man ang karunungan nito o hindi, sinabi ng Allah sa maluwalhating Qur'an: **"At hindi marapat sa sinumang mananampalataya, lalaki man o babae, na kapag nagpasiya ang Allâh at ang Kanyang sugo para sa kanila ng isang kapasiyahan bilang batas ay lalabag sila, na pipiliin nila ang anumang hindi pinagpasiyahan para sa kanila. At ang sinumang lalabag sa Allâh at sa Kanyang sugo, ay walang pag-aalinlangang lumayo sa tamang landas nang malinaw na pagkakalayo."** (Qur'an 33:36)

"Ang mga pagpapala at kapayapaan ng Allah ay mapasa-kay Muhammad, sa kanyang pamilya at sa lahat ng kanyang kasamahan."



المختصر المفيد للإسلام الجديد

PATNUBAY PARA SA BAGONG MUSLIM



Isa sa mga dakilang biyaya ng Allah sa tao ang pagkalooban siya ng gabay sa Islam, pagiging matatag dito, at pagsasabuhay at pagsasagawa ng mga alituntunin at mga batas nito. Ang munting librito na ito ay magtuturo sa bawat bagong muslim ng mga bagay o alituntunin na marapat niyang malaman sa unang yugto ng pagyakap sa Islam sa maikling pamamaraan na maipaliwanag sa kanya ang kagandahan ng dakilang relihiyong ito, hanggang sa ito ay kanyang maintindihan at maisabuhay, at pagkatapos ay tutungo siya sa pagsasaliksik ng kaalaman at pagpaparami nito mula sa kanyang pagsisikap upang lalong madagadagan ng lubos ang pagkakilala niya sa kanyang Panginoon, sa kanyang propeta na si Mohammad ﷺ at ang kanyang relihiyong Islam; upang sambahin niya ang Allah na may sapat na kaalaman, panatag ang puso at madagdagan ang kanyang pananampalataya at mapalapit sa Allah sa pamamagitan ng paggawa ng lbada o pagsamba at pagsunod sa Sunnah ng Propeta Mohammad.